

靈寶淨明新修元老神印伏魔祕法

身丸

靈寶淨明新修九老神印伏魔秘法序 身九

翼真壇副演教師何守證撰

三洞真經列聖所寶秘於上官約以科禁  
自非天地一開其文不出有遇之者皆金  
名玉字夙著仙譜之人也粵惟

上清伏魔印章受鍊形神秘法乃

九老帝君龍漢劫初親得元尊之旨下教  
學仙之士實為靈寶之樞要歷古以來成  
功證為列真者未易詳述昔

高明大使許君受法於道君謚姆大仙吏

隱東晉攝邪誅恠標江呪水以拯生民之  
災病積功累德而後舉全家於霄漢者逮  
諸弟子繼踵仙去雖嗣法者代不乏人然  
文字傳習之久例多謬誤無以取證炎宋  
中興歲在作噩六真降神於渝川出示靈

身九

一

寶淨明秘法化民以忠孝廉慎之教乃命  
洞神仙卿為訓導學者師越二年秋八月  
高明大使覲歛臨于遊帷故地即今之江  
西玉隆萬壽宮也於是肇建仙壇名曰翼  
真以延善知識凡經典疑難悉聽扣問時

新學九老法弟子因以其書請益焉果蒙  
真慈發明道要說氣鏡神印二篇證諸闕  
誤繼委門人悉以符呪訣法釐正之書成  
以呈

真鑒賜可又命何守證序具重修之意以  
久其傳守證自愧肉質地行聞見隘塞有  
何補於宗教然誤蒙

真師收錄充靈壇下弟子今已三年矣謹  
直序其事於篇首顧唯龍沙巴合五陵之  
內應地仙者八百人而師出於豫章此言

載於方冊今黃童白叟皆熟誦之信不誣也凡游於

真師之門得此法者宜精進焉時紹興辛亥歲重陽日謹序

靈寶淨明新修身九九老神印伏魔二秘法

洞神抄注奉

真旨編修

洞神節錄奉

真旨同修

太元判令奉

真旨校勘

九老帝君神印總論

丹陽子曰道本炁也合炁以為體散炁以為用大道炁之溟漠也生乎天地之先散乎有無之表字因炁而結文因炁而成形因炁而聚聲因炁而含道本炁也上士以炁合道故不暴其炁炁止於一一者真一神合於心心與神交神由炁合磁石吸鐵翡翠碎金者性也性一合道道果炁也夫以真精精者一也

一者道也以真精故召正炁以合道故成大  
仙仙鍊精合炁以炁合道神景淨明不役外  
物陽燧向日火隨而生方諸感月水旋而至  
水火自然之炁也道合自然得陰陽之正適  
陰陽之中純朴不散精粹无雜所以日有光

身九

三

明月有輝耀人稟乎靜則性達得乎明則心  
通性達心通故交感於日月之宮道本圓虛  
圓者氣之體虛者氣之用得圓虛之道故謂  
之淨明淨明則適正得中合於有情至道非  
情求也而此言情誠實生情情起而道自生

以道者炁也以心合炁心動而情遂生情本  
生於中也上士學道不執一物不廢一物謂  
道可以情求則非也有假以為用也道不在  
呼吸採取也呼吸採取外也而道在內也道  
在內故可因呼吸採取而知亦在外道彌滿  
太虛貫該總屬得道之意而知所謂情則神  
印者可易曉也上士以印為道道託印以行  
之爾印者如燧珠之艾炷耳

伏魔神印



印釋



別本  
此印

真諦

上清九老帝君迴屍起死治病伏魔糾察

三界鬼神皈正法事章文

章文三十五字於背正雕白字真楷書之

赤子受法滌意調  
神統攝魔鬼普呪  
三清无失初心奉  
持母息如違科教  
禍及九祖宗告下

右印用金銀玉石或雷震棗木堅硬之木皆  
可印式濶二寸四分以應二十四炁長二寸  
八分以應二十八宿厚一寸二分以應二十

二辰以三元八節甲子庚申或丁甲納音水  
火之日齋其工匠面東造之印成請度師保  
奏呈奉玄都省自授度之夕於露天置案設  
印以香花淨水祭其神印達旦即收入勿令  
雞犬婦人見之如是三夜祭訖方可用行

身九

### 受持印章法

四

每日清旦燒香掐日君訣視印祝曰嗣法某  
謹以信香告于天印神靈侍衛官將曰

元始開圖必自乎震九炁帝君獲此神印

赤書玉字天地安鎮隱音內名鬼神符信

我佩印章攝行天命護身濟人伏魔皈正  
无往不通有感皆應

即望東取太陽炁吹入印中放訣

用印訣

凡行救治先焚香據來人事意啓白

身九

五

上清九老帝君法中一切靈神乞賜救護次

用印時左手握訣屈中指指右手持印存變

掌心是也

為九老帝君身御上清冠服左右官將侍衛

方用印即望東取太陽真炁吹於所印文字

上若專給印救治即就印上再書印到速安

四字又押字訖再取太陽真炁吹印上發訣  
想神將隨印前去也

### 發印訣

如驅邪伐祟依常式印其來狀令燒付本家  
司命土地行遣如辟除妖怪書事用印貼本  
處安鎮如肢體傷折者貼印於疼痛處時瘟  
瘡疾者貼於前後心瘡瘍癰疽者燒灰或塗  
或洗鬼忤惡夢者或佩或吞目疾者淨水浸  
印洗之各獲安愈也

### 法印式




右印不拘木植雕造訖隨前印奏呈了法師  
遇申發奏狀行移上下通用此印使印時掐

天罡訣

每日服鍊法

上元解穢黃庭真符



右符朱書每日清晨面東拍午念呪以淨水  
吞服一道解穢淨身招集生炁 呪曰

五帝大魔總領鬼兵金鉞前戮魔王束形  
猛馬四張保命生根急急如

上清九老帝君律令勅

身九

每日服鍊法

上元延生守一真符



右符朱書每日午時面東拍子念呪以淨水

吞服一道安神守一保命延生呪曰  
延壽益筭度厄尊神迴骸起死无量度人  
執籙把籍齊到帝前急急如

上清九老帝君律令勅

淨明氣鏡篇

丹陽子曰炁者虛而善應也神之帥也身之  
主也天以炁故穹窿而高高故能下濟地以  
炁故磅礴而厚厚故能上行日月星辰以炁  
清而照臨江海山岳以炁聚而融結人以炁  
則頭圓法天之炁也足方法地之炁也眼髮



象於日月星辰也毛竅象於山岳河海也一  
炁之運陰陽奇偶與天地流通天地所以能  
長久者以其運而流通而人多夭折何哉以  
能用與不能用而已是故炁以運動潛伏有  
道謂之淨明淨明故盈成盈成則周徧而達

身九

七

於命之情此天地之妙理陰陽之交變升降  
之早晏生物之謂也而人之一身可以上稽  
於天下法於地取天地之正而參於身可以  
移精而變化出沒於死生故能神神而靈謂  
之內營內營則丹鼎成黃芽生慶雲興斯可

噓吸雲風而嘒唾雷霆能役夏冬而使秋春  
變暘為雨以雨為霖而天地之正炁在我而  
不在人死者可以生生者可以死人道正邪  
炁干者逢吾之炁而安鬼道邪而凌於人者  
逢吾道之炁而攝善學道者得之而為炁鏡  
之訣曰運行補養必達其機達其機者必明  
其說

每日服氣法

每日早晨面東焚香兩手拍日君訣叩齒九  
通存想九老帝君太陽上帝在日輪守日色

紫赤九芒霞光暉映太空如日初出之狀即  
放訣收手心拜祝曰嗣法某甲焚香供養  
九老帝君太陽上帝以今清旦燒香齋心滌  
意朝禮日宮吞納正炁伏願

太陽上帝降賜光輝爍茲冥滯生育正真蕩  
彼邪穢百神既寧萬魔自退耳聰目明心通  
性慧與道合真長生久視又扣齒三通想見  
太陽紫赤之光照面即鼻引而咽納之如下  
文服四炁共三十六口也

初之炁呪曰

中理五炁混合百神

凡服初炁垂兩手掐應病訣念呪七遍放左手訣換掐喉訣又腰取炁一口咽之隨炁重掐訣又念呪七遍放右手訣換掐喉訣又腰取炁一口咽之隨炁重掐訣次舉兩手喉訣

身九

相交對口

左手在上右手在下

又念呪七遍張口取炁

一口吹在訣上即放訣此是一編如此為之

三編共服九口炁也

二之炁呪曰

无英公子白元尊神太一司命桃康合延

凡服第二炁垂兩手指北辰訣念呪取炁如  
服初炁法同只更訣目亦三徧為之共服九  
口炁也

三之炁呪曰

束送妖魔精斬馘六鬼鋒諸天炁蕩蕩我

道日興隆

凡服第三炁垂兩手指紫庭訣念呪取炁如  
服初炁法同只更訣目亦三徧為之共服九  
口炁也

四之炁呪曰

魔無干犯鬼無妖精三官北酆明檢鬼營  
 凡服第四炁垂兩手掐日君訣念呪取炁如  
 服初炁法同只更訣目亦三徧為之共服九  
 口炁也

訣目掌圖

身九



靈寶淨明新修九老神印伏魔秘法終



共  
十

